

Газетст болн журналмудт бичгдлгъ сăянăр бÿрдăхмн

1958 джилин хойрдгч брăлднь газетст болн журналмудт бичгдлгън эклв. Эн кергиг бÿрдăмджтăгъяр кÿцăхин тōлă, залгълдана болн „Союзпечатин“ кōдлăчнр ик кōдлмш кешхăх зōвтă. Апрель, май сармудт 16.268 экземпляр газетст болн журналмудт амтн бичгдх зōвтă, тер тоод, таньгъчин болн райодин барт—9163 экземпляр („Хальмг ÿнн“ газетд—3028, „Советская Калмыкия“ газетд—2461, райодин газетст—3674 экземпляр). Эн джилин тÿрÿн брăлднь газетст болн журналмудт бичгдлгънă зура Каспийск (бичгдлгъ гардачнь Борисенко), Черноземельск (бичгдлгъ гардачнь Чилеева), Юстинск (бичгдлгъ гардачнь Бадмаев) райодт кÿцăгдсн уга билă. Яшкульск районд (бичгдлгъ гардачнь Никенов) болн Элст балгъснд (бичгдлгъ гардачнь Горбанева) барт бичгдлгънă кōдлмш сăянăр кегдлă.

Одгă цагт кегддж йовх барт бичгдлгъиг тÿргър тархахин тōлă, таньгъчар ик бÿрдăмджин кōдлмш кегддж йовна. Залгълдана болн „Союзпеча-

тин“ кōдлăчнрт, эн кōдлмшин чинрнь цăалгъгддж òггдижăнă, ямаран кевър кÿч-кōлсчнр дунд бичгдлгъ бÿрдăхин туск шишлнь цăалгъвр òггдджанă.

Хōбнă хошмудар, холагъур, малар бăях улс дунд бар тархалгънд нег ÿлÿ оньган òгх кергтă.

„Хальмг ÿнн“ газетд бичгдлгъиг нег ÿлÿ оньган òгч тархах кергтă, юнъгад гихлă, эн газетиг альд, ягъдж бичÿлдж авхан медлго, „Хальмг ÿнн“ газетин редакцур кесг улс сурвр илгăцхăв.

„Агитатор“, „Коммунист“, „Партийная жизнь“ гидг партийн журналмудт болн Агитатормудин блокнотд бичгдлгъиг ясурух кергтă.

Партин болн правительствин гаргъджах чинртă тōрмÿдин туск документсăс иштă, производствен-техническ, научн болн эдл-ахун халхар гарчах лектрмÿд олн дунд тархалгъна кōдлмш ик чинр зÿÿджанă.

Газетст болн журналмудт бичгдлгънă халх кōдлмшин политическ чинринь тоолад, эн кōдлмшин йовудиг газр-

газрар партийн организацст зăнъгддж, медÿлджăх кергтă. Бичгдлгъ кеджăх улс, партийн организацсин дōнъгър, эврăннь кōдлмшан шунмгъадулцхах зōвтă.

Газетст болн журналмудт бичгдлгъ тархахларн бичгдх зōвтă улсиг, учр угагъар, бичÿллго ÿлдăхмн биш.

Газет, журнал авдг улст тединнь цаглань кÿргдж òгггън, бар тархалгъна тōрт ик чинр зÿÿнă. Кÿч-кōлсчнриг цаглань, торвр угагъар газет, журналар тетклгънă туск тōрт таньгъчин залгълдана управлень болн „Союзпечать“ ик оньг òгчанă, урднь эн туст гарад бăадг дуту-дундиг уурулхин тōлă цуг эв-аргъан олздж кōдлджăцханă.

Эн джилин хойрдгч брăлд газетд, журналд бичгдлгънă зура кÿцăгъад, цаглань кÿч-кōлсчнрт газетс болн журналмуд кÿргдж òгчăх тōр—залгълдана болн „Союзпечатин“ кōдлăчнрин эрки тōрнь болджана.

ЧУЖГИНОВ Лидж,

„Союзпечатин“ таньгъчин
отделенă начальник.